

# LILLIANES

## Da ioù vegn ou noun Vatican ?

Vatican y éra ou noun d'un col dé Roumma, sou la dret dou *Tevere*, franc in fatcha a y ou Tchamp dé Mars é a dretta dou *Gianicolo*.

In prinsipe y éra un post malsanc é umédo : un pra sarvadjo, mocca boun por lardjè.

Corca tèins apreu *Agrippina*, dé sisse térrèn ou foun dou crestouèn, a féit fè dé béi djardìn.

Sempe lo ent'ou Vatican, l'empéreur Nérón, pieu tart a féit fè un piquiot sirque privà, ioù y an istà massà i premé martire cristiòn, é tra iour avoi l'apotre Pière, qu'a istà intarrà prope lo.

A partì dé sé moumèn, sé pra et deven-ù eun sémétére : tan p'é cristiòn qué p'é pagòn, fin qué l'empéreur Costantìn, ent'i an qué van dou 326 ou 333 apreu Jézù Cri, a don-à orde dé fé spian-è a sima dou crestouèn pé fèye construi a preméra bazilicca dé sen Pière.

Ora ou Vatican yi ista ou Papa. Ma a pa sémpe y istà paré : ou Moyèn Adjo ou Papa ou istava ent'ou palè dou Latrà, é pieu tart ent'é d'âtre eumportant palas dé Roumma, djeumme ou *Quirinale*, qu'eunqueu et a rézidensa dou prézidèn da répubblica italian-a.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

[www.focus.it](http://www.focus.it), juin 2002

Texte publié en 2008 sur « Mon clocher - Paroisses de Fontainemore, Gaby, Lillianes et Issime »

Collaborateur de Liliannes pour la traduction : Mireille Squinabol

La transcription a été soignée par le Guichet Linguistique

Mise à jour de la graphie : octobre 2013